



Ilisimatitsissut

Uunga

16. oktober 2013
Sagsnr. 2013-090953
Dok.nr. 1367359

Assinga uunga

Postboks 1037
3900 Nuuk
Tlf. (+299) 34 50 00
Fax (+299) 34 63 50
E-mail: oed@nanoq.gl
www.nanoq.gl

**Aningaasaqarnermut Akileraartarnermullu Ataatsimiititaliap tallimanngornermi
ulloq 18. oktober 2013, nal. 11.00-12.00 apersuinissaanut akissutissatut
siunnersuutit**

Apeqquut 1

Apeqquummut tunuliaqutaasoq:

*Apeqquut 2.3-mut Naalakkersuisup akissutaa Aningaasaqarnermut Sulisoqarnermullu
Aqutsisoqarfimmi, ASA-mi, allaffissornermut tunngasoq.*

Naalakkersuisumik apersuinermi akineqartussatut Aningaasaqarnermut

Ataatsimiititaliap apeqquutaa:

- a. *Sulineq sumut killinnersoq suullu suli amigaataaneersut pillugit akissut
itisilerneqassasoq ataatsimiititaliamit kissaatigineqarpoq.*

Akissutissaajunnartog:

Suliassa qarfinnit 173-iusunut suliassa qarfiit 121-t t DcR-imit massakkut
tiguneqarsimalerput. Kisitsisit taakku kingullermik akissuteqarnermit qaffariarsimapput,
tassani tiguneqarsimasut 119-iummata. Naatsorsuusserinermut tunngasut
susassa qarfinnit ataasiakkaanit DcR-imit tiguneqartut 70-iupput. Suliassa qarfiit 52-it IRIS
suli atulersimangilaat.

2012-imut 2011-imullu tunngatillugu pineqartumut tunngatillugu kisitsisit ima
isikkoqarsimapput:

Ukioq	Oktober 2011		Oktober 2012	
	Amerlassusaat	Procent %	Amerlassusaat	Procent %
Suliassa qarfiit katillugit	169	100 %	167	100 %
Tiguneqarsimasut	81	48 %	96	57 %
Tiguneqanngitsut	88	52%	71	43%

Naatsorsuusserinermut tunngasut DcR-imit tiguneqakkajuttarput suliassa qarfiit IRIS-imik
atuilerneranut atatillugu.

Massakkorpiaq DcR –imit IRIS-imit atornerqarnera naleqqussarneqarpoq, sanaartugassanut tunngatillugu pissutsit immikkut ittut uppernarsarneqartalersissinnaalersikkumallugit. Tamatuma kingunerisaanik suliassa qarfiit tamarmik IRIS atorsinnaalersimassavaat, fakturat immikkut piunasaqaatitallit aamma akuerineqarnissaanut.

Apeqqu 2

Apeqqummut tunuliaqutaasoq:

Apeqqu 3.1-imit Naalakkersuisup akissutaa aningaasaqarnikkut politikimi Naalakkersuisut anguniagaannut tunngavissaannullu tunngasoq.

Naalakkersuisumik apersuinermi akineqartussatut Aningaasaqarnermut

Ataatsimiititaliap apeqqutaa:

Pisortat aningaasartuutaasa qanoq annertussuseqarnissaat nunatsinnut naleqquttutut isigineqarnerisooq pillugu apeqqummut Naalakkersuisut akipput tamanna erseqqissumik akineqarsinnaanngitsoq.

Tassungali atatillugu Naalakkersuisunit oqaatigineqarpoq pisortat suliffeqarfiini sullissinerup suli qaffasippallaarnera eqqarsaatigalugu sunniutaasartut qaffassarniarlugit aningaasartuutaasartullu ikilisarniarlugit suliniutit arlallit aallartinneqarsimasut.

Ataatsimiititaliap apeqqutaa

- a. *Suliap tamatuma ingerlateqqinneqarnissaa Naalakkersuisut siunertaraat?*
- b. *Naalakkersuisut isumaat malillugu pisortat sullissinerata qaffasissusissaa killeqatinneqarpa aammalu assersuutigalugu amigartooruteqarnissamik missingersuusiorneq sullissinerup naammattumik qaffasissuseqannginneranut takussutissaava?*

Akissutissaajunnartooq:

- a. *Aap, Naalakkersuisuts siunertaraat pisarillisaalluni sulinerup annertusineqarnissaa taamaasiornikkut pisortat sullissinerini aningaasartuutaasartut tamakkiisumik anikkillisaaviginiarlugit. Inuiaqatigiilli agguataarnerisa allanngoriartorerisa kingunerisaanik suliassa qarfiit ilaasa suliassa suli qaffakkiartussapput. Taamaattumik pingaaruteqarpoq suliassa qarfinni tamani tunisassioriaatsit ingerlaavartumik pitsanngorsartuarnissaat, taamaasiornikkut pisortat suliassa qarfinnitamakkiisumik aningaasartuutaasartut appartissinnaajumallugit.*
- b. *Isumalluutissat killeqarmata pisortat suliassa qarfiinni sullissinerit qaffasissusissaat killeqarpoq. Naalakkersuisut aningaasanut inatsisissatut siunnersuumik saqqummiussipput, ukiuni sisamani oqimaaqqatigiissussamik. Isumalluutissat immikkoortinneqarsimasut aallaavigalugit sullissinerit pitsaanerpaatinniarlugit sulineq ataavartumik ingerlanneqarpoq. Inuiaqatigiit agguataarnerisa allanngoriartorerisa aammalu aserfallatsaaliuinernut suliassat kingulerussimasut ilaatigut kingunerisaanik pingaarnersiuisarnissamik piunasaqaatit ukiuni aggersuni qaffannissaat qularutissaanngilaq.*

Aningaasaqarnikkut ingerlatsineq pillugu Naalakkersuisut 2013-imi nalunaarutaanni allassimavoq amerlanerusut suliffeqalersinniarlugit suliffeqarfiilu namminersortut siuariartortinniarlugit inuiaqatigiit atugarissaarnissaat qulakkeerumallugu

aningaasaqarnikkut iluarsaaqqinnissaq inuiaqatigiinnilu aaqqissuussaanikkut allangortiterinissaq pisariaqartinneqartut.

Ataatsimiititaliap apeqqutaa

- c. Tamanna pisortat aningaasartuutaasa qaffatsinnerisigut annertunerpaamik qulakkeerneqassasoq Naalakkersuisunit eqqarsaatigineqarpa?*

Akissutissaajunnartog:

- c. Naamik, Naalakkersuisut kissaatiginngilaat tamassuma pisortat aningaasartuutigisartagaasa qaffannerinnaasigut pinissaa. Naalakkersuisut aaqqissuussaanikkut naleqqussaasoqarnissaa kissaatigaat, tamanna inuiaqatigiinni aningaasarsiornikkut siuariartornermik amerlanerillu sulilernissaanik kinguneqassaaq. Aaqqissuusseqqinnerit aningaasartuutaasartut isertitaasartullu oqimaaqqatigiinnerulerneranik kinguneqassaaq kiisalu pisortat aningaasaqarnerisa attanneqarsinnaasut qulakkeerneqarlutik. Siunertaanngilarli aaqqissuusseqqinnerit aqputigalugit pisortat aningaasartuutigisartagaasa tamakkiisumik qaffannissaat.*

Inuiaqatigiinni aningaasat kaaviiartinneqartut annertusarnissaat anguniarneqassasoq aammalu nalituunnortitsinermi aningaasat nunatsinni sulisinneqarnissaat qulakkeerniarneqassasoq naalakkersuisooqatigiit isumaqatigiissutaanni allassimavoq. Tassunga atatillugu oqaatigineqarpoq Aningaasaqarnermut Siunnersuisoqatigiit akuutinneqassasut.

Ataatsimiititaliap peqqutaa

- d. Aningaasat kaaviiartut annertusarnissaat siuliani taaneqartoq pisortani imaluunniit namminersortuni pisussatut Naalakkersuisunit isumaqarfigineqarpa?*
- e. Inuiaqatigiit atugarissaarnerannik maanna aaqqissuussisimaneq taassuminngalu aningaasalersuinermi tunngavik amigartooruteqarnissamut tunngavissiissasut, taamaattumillu ineriartorneq attanneqarsinnaassanngitsoq Aningaasaqarnermut Siunnersuisoqatigiit kingullermik nalunaarusaanni allassimavoq. Tamanna Naalakkersuisunit isumaqatigineqarpa?*

Akissutissaajunnartog:

- d. Namminersortut ingerlataasa aningaasarsiornikkut qaffariartornissaat Naalakkersuisut pilersinniarpaat. Taamaattumik Naalakkersuisut inussutissarsiutit eqqarsaatigalugit pimoorissisumik politikkeqarput inuussutissarsiuteqartut pitsaasumik sinaakkutissaqartinniarlugit aallarnisaasarnermilu piumassuseq annertusarniarlugu. Ilutigalugu tunisassiorsinnaasutsip (aningaasat amerlinggikkaluarlugit angusat pitsaanagerusut) qaffatsinnissaa suli periarfissaqarpoq inuussutissarsiortut namminersortut pisortallu ingerlatai eqqarsaatigalugit, taakkulu ingerlaavartumik ineriartortittariaqarput.*
- e. Aap, Naalakkersuisut isumaqatigaat inuiaqatigiit atugarissaartut pilersinniarlugit massakkut aaqqissugaaneq siunissaq ungasinnerusoq eqqarsaatigalugu attanneqarsinnaangitsoq, inuiaqatigiit agguataarneri eqqarsaatigalugit ineriartorneq utoqqalillutik isumagisassat amerliartorneri aningaasartuutit qaffakkiartornerinik kinguneqartarmat. Tamanna tunngavigalugu Naalakkersuisut aaqqissuus-seqqinnissaq kissaatigaat, pisortat aningaasaqarniarneranik pitsanngortitsisussamik aningaasartuutaasartut isertitaasartullu oqimaaqqatigiinnerulernissanillu kinguneqartussamik.*

Aningaasat maannatut qaffasissuseqarnerat aningaasaqarnikkut politikip annikitsumik qasukkaallatsinnissaanut tunngavissiisinnaasoq, taamatulli periuseqarneq aningaasalersuutissatut atugassat ilaat suli piviusunngortinneqanngitsut aningaasartuutit piviusunngortinneqartarnerisigut aarlerinartortaartoq Aningaasaqarnermut Siunnersuisoqatigiit isumaqarput.

Ataatsimiitaliap apeqqutaa

- f. Tamanna Naalakkersuisunit isumaqatigineqarpa?*
- g. Aningaasalersuutissatut atugassat ilaat piviusunngunngitsuussappata imaluunniit sullissinerup naammattumik qaffasissuseqannginnera pissutigalugu naammagineqanngitsutut isigineqarpata pisortat aningaasaqarneranni amigartooruteqarnissaq Naalakkersuisut ingerlatiinnassavaat?*

Mulige svar:

- f. Aap, Naalakkersuisut isumaqatigaat aningaasalersuutissatut atugassat piviusunngortinnagit aningaasartuuteqarnissaq aarlerinartoqarsinnaamat. tamatuma kingunerisaanik AIS2014-imut tunngatillugu aaqqissuusseqqinnerit aqputigalugit isertitassat ilanngunneqarsimasut mianersortumik missingerneqarsimapput Naalakkersuisullu isumaqarput siunissami aqqissuusseqqinnerit aqputigalugit taakku isertinneqarsinnaanissaat piviusorsioruusoq.*
- g. Naamik. Naalakkersuisut aningaasaqarnikkut ingerlatsineq eqqarsaatigalugu anguniagaanni periusissaanilu allassimavoq IS ukiuni aningaasartuuteqarfiusussani oqimaaqqatigiisuussasoq. Naalakkersuisut naatsorsuutiginnjilaat aningaasalersuutissatut atugassat piviusunngunngitsoornissaat, tamannali pissappat aningaasartuutit isertitallu aaqpinneqartariaqassapput oqimaaqqatigiisunngorteqqillugit.*

Apeqqut 3

Apeqqummut tunuliaqutaasoq:

Apeqqut 3.2-mut Naalakkersuisup akissutaa AIS 2014-ip aamma naalakkersuisooqatigiinnissamik isumaqatigiisummi anguniakkat pingaarutillit ataqatigiissinnerannut tunngasoq.

Naalakkersuisumik apersuinermi akineqartussatut Aningaasaqarnermut

Ataatsimiitaliap apeqqutaa:

Aaqqissuusseqqinnerit nammineq pilersornerulernissamut suliffeqalernissamullu kajungilersitsissasut pisortallu ikiorsiissutigisartagaasa oqimaaqatigiinnerusumik aguarneqartalernerannik kinguneqassasut Naalakkersuisut akissumminni allapput. Tamanna itisileqqullugu Naalakkersuisoq qinnuigineqarpoq.

Kiisalu aningaasanut inatsimmik suliarinninnermut tunngatillugu kingullertut oqaatigineqartut piffissamut qanittumut imaluunniit ungasinnerusumut tunngatinneqarnerisut paasissutissiissutigeqqullugu Naalakkersuisoq qinnuigineqarpoq.

Akissutissaajunnartog:

Atugarissaarnerulersitsiniarnermi siunertarineqarpoq inuit ataasiakkaat sapinngisamik namminneq pilersornerulernissaanut ikorfartuinissaq ilutigalugulu aningaasaqarnikkut ajutuinnermi ikiutissaqartinnissaat. Ullumikkut aningaasaqarnikkut ajutuinnermi ikiutissaqarnissat nammineq ilaqtallu pilersornissaanillu pisussaaffeqarneq

oqimaaqqatigiissikkuminaatinneqartarpoq. Akileraartarnermut Atugarissaarnermullu Ataatsimiititaliarsuup takutippaa pisortanit ikiorsiissutinik pisartagaqarneq ilaatigut sulinermit suliaqarnerunermilluunniit akilersinnaanerusoq. Tamanna ilaatigut patsiseqarpoq atugarissarnissamut ikiorsiissutaasartut akileraariaatsillu akornanni aaqqissugaannerinik.

Misissuineerit ilaatigut takutippaat innuttaasut atugarissaarnissamut ikiorsiissutinik pisartut ilaatigooariarluni pisariqartitsinngikkaluartunut tunniunneqartatut. Paarlattuanik inuit atugarissaarnissamut ikiorsiissutinik pisariqartitsisut piginnaatitaasullu ikiorsiissutinik pissarsisarnissaat qulakkeerneqarsimangilaq, tamannalu pissusissamisuuungilaq.

Piffissalersuinissaq eqqarsaatigalugu Naalakkersuisut kissaatigaat nammineq pilersornerulernissamut piunassaseqalersitsiniarneq suliffeqalersitsiniarnerillu kiisalu pisortat ikiorsiissutaasa pissusissamisoornerusumik agguanneqartalernissaat 2014-imi aamma 2015-imi aaqqissuusseqqinnissatigut pissasut.

Apeqqu 4

Apeqqummut tunuliaqutaasog:

Apeqqu 3.4-mi apeqqu c-mut Naalakkersuisup akissutaa sipaarutitut isertitaqarnerunermullu tunngasoq.

Naalakkersuisumik apersuinerimi akineqartussatut Aningaasaqarnermut

Ataatsimiititaliap apeqqutaa:

Suleqatigiissitap suligasuartussap sulinerani angusat kingulliit ataatsimiititaliamut nassuiaatigeqqullugit Naalakkersuisoq qinnuigineqarpoq, tassungalu ilanngullugu inissiat amerlasuut tunineqarnissaat pillugit aningaasalersuisarfinnik oqaloqateqarneq nassuiaatigalugu.

Akissutissaajunnartog:

Namminersorlutik Oqartussat, Grønlandsbankip BankNordik-illu aallaartitaasa akornanni Aningaasaqarnermut Nunamullu Namminermut Naalakkersuisoqarfimmi ataatsimiinnerit 12., 19. aamma 30. september kiisalu 1. oktober ingerlanneqarput.

Ataatsimiinnerni taakkuanii aaqqissutissap ilusissaa eqqartorneqarpoq, tassani aningaaseriviit kaammattuutai naatsorsuutigisaalu, inissiat tuniniarneqartatut eqqarsatigalugit nammanneqarsinnaasut, Nunatta Karsiata isertitaqarnissamik pisariqartitsinera aammalu inissianik attartortut nammineq inigisaminni oqartussaalerinissaanik Naalakkersuisut politikkiat aallaavigalugu sinaakktissat pingaarnerit allaaserineqarput.

Ataatsimiinnerni paasineqarpoq inissianik tuniniaanissat ineqarneq eqqarsaatigalugu patajaatsumik ingerlatsineq innarlerneqarnaviangitsog, sinaakktissat makku iluinni ingerlanneqarpata:

- Inissiat sorliit tuniniarneqarsinnaaneri ingerlaavartumik nalilersorneqartassapput.
- Inissianut akigitinneqartussaq inissiat akiviat aallaavigalugu ingerlanneqartassasut, inissiallu akissaat assersuutigalugu naliliisartumit arlaanaanulluunniit attumassuteqanngitsumit aalajangersorneqartarlutik.
- Ineqartut akiviusut aallaaviaglugit piserusunngippata, attartortutut ineqartiinneqarsinnaasapput.

- Inissuarsuarmi ataatsimi najugaqartut amerlanerussuteqartut imalluunniit amerlanerungajattut (50%) piffissap ingerlanerani iniminnik pisisinnaanissamat ilimanaateqarneri periarfissaqarneriluunniit takussutissaqartinneqassaaq.
- Inissiat attartortut qimataat isumaqatigiissitsiniartartoq aqputigalugu tuniniaanermilu nalinginnaasumik atugassarititaasut aqputigalugit tuniniarneqassapput inissianilluunniit attartortunut allanut inissiani allani najugaqartunut namminerlu ineqalerusuttunut tuniniarneqarlutik.
- Tuniniaanerit ukiuni arlalinni ingerlanneqassasut ukiumut inissiat 30-t missaat tunineqartarlutik.
- Tuniniaqqissinnaaneri tuniniaaqinnerinilu akigitinneqartussat inissinneqassapput.
- Namminersorlutik Oqartussat aningaaseriviillu akornanni ukiumut ataasiarluni ataatsimeeqqatigiitarnissaq isumaqatigiissutigineqassaaq, tassani inissianik tuniniaanerit ineriartorneri nalilersorsinnaajumallugit, pingaartumik inissianik tuniniaanerit ingerlatiinnarnissaasa pissusissamisoorneri nalilersinnaajumallugit.
- Suleqatigiissitap aaqqissutissatut siunnersuutai naalakkersuisunit akuerineqassappata AIS2014-ip aappassaaneermisnaanut allannguutissatut siunnersuumik saqqummiisoqassaaq.
- Suleqatigiissitap suliai angusaalu pillugit innuttaasut paasitikkumallugit tusagassiutinut nalunaarummik nassitsisoqassaaq

Apeqput 5

Apeqqummut tunuliaqutaasog:

Apeqput 3.12-imut Naalakkersuisup akissutaa pisortat ingerlatsinerannik kommuninillu suleqateqarnermik nutarterinermut tunngasoq.

Naalakkersuisumik apersuinermi akineqartussat Aningaasaqarnermut

Ataatsimiititaliap apeqqutaa:

- Naliliinissaq nalunaarusiami immikkoortoq 7 C-mi taaneqartoq qaqugu naammassereertussat piffissaligaava?*

Akissutissaajunnartut:

Naammassinisnaanut piffissaliinissaq kommuninik sulii isumaqatigiissutigineqanngilaq, nalilersueqqinnissani sulinissamat tunngavissaq piffissalersuinernik ilalik borgmesterit, Kanukokap Naalakkersuisullu akornanni decembarip aallartinnerani ataatsimeeqqatigiinnissami eqqartorneqaaqqaartussaammata.

Sulinissami tunngavissaq akuerineqareerpat ataatsimiitsitaliamut ilisimatitsissutitut ingerlatinneqassaaq. Ilisimatitsissutigineqassaaq nalilersueqqinnissaq Naalakkersuisunit pingaartinneqartussaamat, taamaattumillu sulineq ukiup ingerlanerani aallartinnissaa naatsorsuutigineqarluni. Nalilersueqqinneq soorunalumi kommunit suloeqatigalugit ingerlanneqassaaq, taakkulu aamma siunertamut tassunga timitaliiniarnissami pilliuteqartariaqassapput.

Apeqquut 6

Apeqquummut tunuliaqutaasoq:

Apeqquut 3.16-imut Naalakkersuisup akissutaa akiitsut ineriartornerannut tunngasoq.

Naalakkersuisumik apersuinermi akineqartussatut Aningaasaqarnermut

Ataatsimiititaliap apeqquutaa:

- a. *Ataatsimiititaliap piumasaaqatitut saneqqunneqarsinnaanngitsutut isigaa ingerlatsinermut aningaasartuutit qaffataasa akilernissaannut taarsigassarsisoqannginnissaa, taamaallaalli tamanna pissalluni aningaasalliissutit pisariaqartut utertinneqarnissaat naatsorsuutigalugu sanaartornermut aningaasartuutitut aningaasassaqaarnissaq qulakkeerumallugu. Tunngavissaq tamanna aallaavigalugu aningaasanut inatsimmi amigartoorutit aningaasalersorneqarnissaat Naalakkersuisunit qulakkeerneqarsimava?*

Akissutissaajunnartog:

Akiliisinnaasuttip qaffasissusissaa eqqarsaatigalugu 2012-ip naalernerani aallaaviusoq 1.062 mio. kr.-iuvoq. Taamatut inissisimaneq Nunatta Karsiata akiliisinnaasusaa illersorneqarsinnaasumik 650 mio. kr.-inut appasinnerpaafiligaanerani qaffasinnerungaastiarpoq.

AIS2014-imi missingersuutigineqarpoq IST ukiumi aningaasanut inatseqarfiusumi ukiunilu missingersuussiorfiusuni oqimaaqqatigiisuussanngorlugu. Tamanna isumaqavippoq naatsorsuutigineqartoq IST 2014-imi aamma 2015-imi amigartoorfiussasoq paarlattuanillu 2016 aamma 2017-imi sinneqartoorfiussasoq. Ilutigalugu naatsorsuutigineqarpoq piffissami tassani S&I aningaasaateqarfimmut ingerlaavartumik aningaasartuuteqartarnerup kingunerisaanik 2015-ip naajartornerani nunatta karsiata akiliisinnaasusata qulakkeernissaata pisariaqalersinnaanera.

Immikkut isigalugu IST ukiumi aningaasartuuteqarfiusumi ukiunilu missingersuussiorfiusuni oqimaaqqatigiipput, taamaattorli, akiliisinnaasuttip allanngorneranerata kingunerisaanik naatsorsuutigineqarmallu S&I aningaasaateqarfimmut ingerlaavartumik aningaasartuuteqartarnissap kingunerisaanik 200 mio. kr.-inik taarsigassaersiniartariaqalernissaq pisariaqarsinnaavoq.

Oqaatigineqarsinnaavoq AI2013-imi naatsorsuutigineqarmat piffissami 2013-2016-imi 400 mio. kr. Missaanik taarsigassarsisariaqarnissaq, pissutsit siuliani taaneqartut patsisigalugit.

Apeqquut 7

Apeqquummut tunuliaqutaasoq:

Apeqquut 6.4-imut Naalakkersuisup akissutaa konto pingaarneq 20.05.20-mut tunngasoq.

Naalakkersuisumik apersuinermi akineqartussatut Aningaasaqarnermut

Ataatsimiititaliap apeqquutaa:

Ataatsimoortumik tapiissutitut atatillugu inuiaqatigiit katitigaanerata attuumassuteqanngitsutut isigineqarneranut suna tunngaviunersoq ataatsimiititaliamit paaserusunneqarpoq. Kommunit akileraarusiisinnaatitaanerata aatsaat peerneqarpat inuiaqatigiit katitigaanerannut tunngasut kommuninut ataatsimoortumik tapiissutitut

ilanngunneqarnissaat tulluartsuussasoq pillugu oqaaseqaat itisileqqullugu Naalakkersuisoq qinnuigineqarpoq.

Akissutissaajunnartog:

Kommunit akileraarutissanik aalajangersaasinnaatitaanerata peerneqarneratarsinnaanerata kingunerisaanik aammalu inuttaasut agguartaarnerisa allanngoriartorerisa kingunerisaanik ataatsimut tapiissutit aqputigalugit aningaasartuutaasa matussutissaanik aningaasaliisoqarneratigut inuttaasut agguataarsimerisa allanngoriatornerisa kingunerissaanik pisortat aningaasalersuinissamut pisussaaffii tamarmiusut Nunatta Karsianut akisussaaffigineqalersussanngortinneqassapputn. Kommunit akileraarutissanik aalajangersaasinnaatitaanerata peerneqarpat kommunit isertitassaminnik qaffassissusilersuisinnaatitaanerata peerneqassaaq.

Naalakkersuisut isumaqarput kommunit akileraarutissanik aalajangersaasinnaatitaanerata attatiinarneqassasoq. Taamaasiortoqarneratigut kommunit isertitassaminnik qaffassissusilersuisinnaatitaanerminnut sunniuteqaqartaaffigisinnaasavaat. Naalakkersuisut isumaqarput kommunit Namminersorlutillu Oqartussallu innuttaasa agguartaarnerisa allanngornerisa kingunerisaanik ukiuni aggersuni unammilligassat namminneerlutik aallaaviatigut aningaasassaqtartinniatariaqaraat. Naalakkersuisullu eqqumaffigeqqissarniarpaataaqqissuuseqqinnissamik suliniutit ukiuni aggersuni kommunit missingersuutaanut qanoq sunniuteqartassanersut.

Naalakkersuisut maannangaaq mattutereerniangilaat innuttaasut agguataarnerisa allanngornerisa kingunerisaanik tunngassuteqartut atatsimut tapiissutissat nutaamik ilusilersornissaanut ilanngunneqartalersinnaanissaat. Piffissami aggersumi naatsorsuutigineqarpoq mississueqqissaartoqarnissaa nalimmassaanermut ataatsimillu tapiissuteqariaarsinik nutaanik kommunit suleqatigalugit ilusiliinissamut atugassamik. Innuttaasut agguataarnerisa allanngorneri qanoq iliusseqarfiginissaat soorunalumi ilanngullugu sammineqassaaq.

Apeqquut 8

Apeqquummut tunuliaqutaasoq:

Apeqquut 6.9-mut Naalakkersuisup akissutaa konto pingaarneq 20.10.13-imut tunngasoq.

Naalakkersuisumik apersuinermi akineqartussatut Aningaasaqarnermut

Ataatsimiitaliap apeqqutaa:

- a. *Atortorissaarutinut digitaliusunut nutaanut mio.-inik marlunnik kisitsisitalinnik aningaasaliinissaq qanoq aningaasalersorneqassasoq Naalakkersuisut aalajangerpat?*

Akissutissaajunnartog:

Atortorissaaruinut digitaliusunut aningaasaliissutissat qanoq isillugit aningaasalersornissaat Naalakkersuisunit aalajangiiffigineqarnikuunngilaq.

Naalakkersuisuts angunigaraat KNR ukiuni aggersuni suliassaqarfimmut tassunga tunngatillugu pisariaqartitanut neqeroorutissanullu tunngatillugu misissueqqissaanermik aallartitsissasoq, taamaasiortoqarneratigut siunissami aalajangerniarnissani eqqortunik

tunngavissaqartoqassaaq, KNR-illu anguniagai naapertorlugit siunissamut ungasissumut aningaasaliissoqarluni. Misissueqqissaarnermi ilanngullugu mississorneqassapput atortunik pinissat allatut aaqqissorneqarsinnaaneri, assersuutigalugu atortunik attartornikkut (leasing) allatigulluunniit.

Siunissaq qanittoq isigalugu KNR tunngaviumik ingerlanneqarnerinut tunngasut qulakkeerniarneqarput, naak KNR-imi init oqummik annertuumik eqqugaasimagaluartut. Atortunut tunngatillugu mississueqqissaarnermi pingaarnertullugu utaqqimaarneqartariaqarput tunngaviumik tunisassiornissamut avatangiisit qulakkeerlugit aaqqiiffiginissaat.

Apeqqu 9

Apeqqummut tunuliaqutaasog:

Apeqqu 6.10-mut Naalakkersuisup apeqqutaa konto pingarneq 20.10.22-mut tunngasog.

Naalakkersuisumik apersuineri akineqartussat Aningaasaqarnermut

Ataatsimiititaliap apeqqutaa:

Tamanna ataatsimiititaliamit ima paasineqassava; tunisinermi kisitsisit anguneqarsinnaasut nalilernissaannut tunngavissatut maanna attartortut inissiarisaminnik tigusinissamut soqutiginninersut Naalakkersuisunit aperineqarsimangitsut?

Akissuaasinnaasog:

Aap. Massakkut attartortuusut inissianik pisinissaminnut neqeroorfigineqassapput, ineqartut affaanit amerlanerisut tamanna soqutigippassuk. Inigisanit nuuttoqartillugu init tårninit allanit najugaqartunut neqeroorutigineqassapput.

Apeqqu 10

Apeqqummut tunuliaqutaasog:

Apeqqu 6.11-mut Naalakkersuisup akissutaa konto pingarneq 20.11.51-imut tunngasog.

Naalakkersuisumik apersuineri akineqartussat Aningaasaqarnermut

Ataatsimiititaliap apeqqutaa:

- a. Naalakkersuisut apeqqummut e-mut akissummi allapput isertitat ilanngunneqartut qangatut naliligaasut, tamannalumi misissueqqissaarnermi tunngavissaq suli paasilluarneqarsimatinnagu akissusaassuseqartuliornerusaaq. Ataatsimiititaliamittaaq paasilluarneqarsinnaavoq 2014-imi pinnani aatsaalli 2015-imit isertitaqarnissap missingersuutigineqarnera. Aningaasanik qularnartunik missingersuutiginninnikkut piffissap qinigaaffiusup matuma nanerani aningaasanut inatsisip oqimaaqatigiinnissaanik anguniagaq angujuminaalleraannaavoq. Qangatut missingiinermik oqarneq ataatsimiititaliamit qanoq paasineqassava?*
- b. Pensionisianik akileraarusersuineq sulisartunut assigiinngitsunut sunniuteqassava?*
- c. Inuit Kalaallit Nunaanni najugallit Danmarkimi pensionisianut aaqqissuussat malillugit pensionisiassallit 2013-imi januarimit pensionisiassanit iluanaarutinut*

akileraarutitik akiliinngitsoorsinnaatitaajunnaarpata, tamatuma kingunerissavaa marloqiusamik akileraarusersuisoqalissasoq?

Akissutaasinnaasog:

- a. AIS2014-imi isertitassat ilanngunneqarsimasut aaqqissuusseqqinnissat kingunissai pillugit naatsorsuisimanerit missingiinerit appartinnerisigut nassaarineqarput. Naatsorsukkat taakku suliarilluaqqaartariaqarput aaqqissuusseqqinnerit sunniutivii oqaaseqarfigisinnaalernissaanut. Tamatuma saniatigut aaqqissuusseqqinnerit tamanit isertitassat ilanngunneqarsimangillat, taammatumillu missingiinerit mianerisariaqarlutik.
- b. Sulininermik inuussutissarsiuteqartunut ataasiakkaanut sunniutissai massakuugallartoq ilisim, aneqangillat. Taamattumik misissueqqissaarnermik annertuumik aallartisisoqarpoq inatsisissatut siunnersuutivimmik saqqummiisoqartinnagu sunniutissat tamarmik suliarilluaqqaartariaqarmata.
- c. Naamik, marloqiusamik akileraarusersuisoqalernaviangilaq

Apeqquut 11

Apeqquummut tunuliaqutaasog:

Apeqquut 6.12-imut Naalackersuisup akissutaa konto pingaarneq 20.11.56-imut tunngasog.

Naalackersuisumik apersuinermi akineqartussatut Aningaasaqarnermut

Ataatsimiititaliap apeqqutaa:

Pilersuisinnaasut pisariaqanngitsumik ikileriarujussuarnerannik aaqqissuusinerup kinguneqaratarsinnaanera qanoq annertutigaa? Ilinniarfissat taama annertutigisumik nalilerneqarnerat suliffeqarfinnik mikinerpaanik, ilinniartoqarnissamat sulinermilluunniit misillisoqarnissamat periarfissaqanngitsunik, eqquissanngila?

Akissutaasinnaasog:

Ilinniarfissat atuartullu ilinniarfissaat pillugit piumasaqaateqarnerup nunatsinni pilersuisinnaasunut sunniutigisassaat Naalackersuisunit ilisimaneqarput. Neqeroortigineqartumut sullississutaaniartumulluunniit tunngatillugu akunnaatsuussappat/naleqquttuussappat aatsaat ilinniarfissanut ilinniartuuffissanullu piumasaqaateqartoqassaaq.

Suliarinnittussarsiuussinermut atatillugu piumasaqaateqartoqassaaq, tamatumani suliarinnittussarsiuussinermi suliasamik pissarsisuusoq ilinniartumik atuartumilluunniit atorfinitsitsinissamat tunngavissisinnaasumik suliasaqarnerulernissamik naatsorsuuteqarsinnaappat. Taamaattumik aamma piumasaqaateqarneq suliffeqarfeeqqanut akornutaasariaqanngilaq. Tamatumunnga peqatigitillugu erseqqissaatigineqassaaq pisortat pisiortornerujussuat tamarmiusoq attaneqarnerusinnaasumik ineriartornissaq qularnaarniarlugu kinguneqartussamik atorneqarnissaa pissusissamisoortorujussuummat. Tamatumunnga ilanngullugu tamanna ilinniarfissanik amigaateqarnermik inuiaqatigiinni ajornartorsiuteqarnerujussuaq annikillisarmlarlugu atorneqarsinnaavoq.

Naalackersuisut ataatsimut isigalugu isumaqarput namminersorlutik Oqartussat pilersuisuminnut unammillernikkut ajornartorsiortitsilernissamik kiisalu sukannernerusumik naapertuilluartumillu piumasaqaateqarnissamik ernumassuteqartariaqanngitsut. Unammilleqatigiinnerulertoqarneratigut suliffeqarfiit

pikkorinnerulissapput Namminersorlutillu Oqartussat pilersuisuminnut piumasaqaateqarnermikkut sullarinnerulersitsiffigisaannik taamaalillutillu inuussutissarsiummik ingerlataqartut ilorraap tungaanut ingerlalerfigisaannik inuiaqatigiit atugarissaarnerulernissaannut peqataasoqarluni.

Apeqquut 12

Apeqquummut tunuliaqutaasoq:

Apeqquut 6.17-imut Naalakkersuisup akissutaa konto pingaarneq 20.30.10-mut aamma 20.30.11-mut tunngasoq.

Naalakkersuisumik apersuineri akineqartussat Aningaasaqarnermut

Ataatsimiititaliap apeqqutaa:

- a. *Ataatsimiititaliap paasinninnera malillugu suliassaqarfimmut Naalakkersuisoq pingasunngornermi ull. 2. oktober apeqqarissaarnermi immikkoortunut arlalinnut tamakkiisumik akissuteqanngilaq imaluunniit akissuteqarsinnaanngilaq. Ataatsimiititaliali paasisoraa suliassaqarfik pillugu nassuiaatip 2014-imi naammassineqarnissaa naatsorsuutigineqartoq. Tamanna Naalakkersuisup siulliani akissutaanut qanoq ililluni attuumassuteqarnersoq itisilerneqassasoq ataatsimiititaliamit kissaatigineqarpoq.*
- b. *2013-imi killiffimmik misissuineri paasissutissat illoqarfinnut qanoq agguataarsimanerat pillugu paasissutissinneqarnissaq ataatsimiititaliamit kissaatigineqarpoq.*

Akissutaasinnaasoq:

- a. *Apeqquut erseqqissaqquneqarpoq, ilisimaneqartut naapertorlugit Ineqarnermut, Pinngortitamut Avatangiisinullu Naalakkersuisoq apersuineri akineqartussami Namminersorlutik Oqartussat qitiusumik allaffeqarfii pillugit apeqquummut akissuteqanngimmat.*
- b. *Kontut pingaarnerit Nuummiinnaq qitiusumik allaffeqarfimmut tunngapput.*

Apeqquut 13

Apeqquummut tunuliaqutaasoq:

Apeqquut 6.19-imut Naalakkersuisup akissutaa konto pingaarneq 24.01.15-imut tunngasoq.

Naalakkersuisumik apersuineri akineqartussat Aningaasaqarnermut

Ataatsimiititaliap apeqqutaa:

Pisassarifat akilersinniarlugit immikkut ittumik suliniuteqartoqaraluartoq akiligassatigut kinguaattoorutit annertunerusumik appariaateqanngimmata ataatsimiititaliamit paasiuminaatsinneqarpoq. Takussutissiami takuneqarsinnaavoq suliat amerleriarsimasut aammalu akiligassanik kinguaattoorutit 3 % inulaarlugu taamaallaat appariarsimasut. Taamaattumillu ajornartorsiut allanngoriarfiusimangitsutut ataatsimiititaliamit isigineqarpoq.

Akissutaasinnaasoq:

Aallarniutigalugu oqaatigineqassaaq akiitsut nikerarnerat pillugu ataatsimiititaliap isumai Naalakkersuisunit isumaqatigineqanngimmata.

Akiitsut 2011-mi 962,6 mio. kr.-iupput 2013-imi 868,2 mio. kr.-iullutik, 94,4 mio. kr.-inik 9,8 %-imilluunniit apparialuni. Tassunga aamma atatillugu oqaatigineqartariaqarpoq piffissami pineqartumi meeqqanut akilersuutini (meeqqanut siumoortumik akilersuutaakkajuttuni) akiitsut 27 mio. kr.-it missaannik qaffassimmamata. Pineqartumi inatsisit pissutaallutik kommunit akiliisitsiniartarfiilluunniit akiitsut nikerarnerannik aqutsisinnaangillat.

Nikerartoqarnera ukiumit ukiumut naammaginarsersoq oqallisigineqarsinnaajuaannarpoq ungasinnerusorli eqqarsaatigalugu ineriartornertaa Naalackersuisunut soqutiginaruuvooq, tassa akiitsut qaffakkiartorunnaarsinneqarnissaat ungasinnerusorlu eqqarsaatigalugu annikillisinneqarnissaat.

Ataatsimiitaliap apeqqutaa

- a. *Konto pingarneq 24.10.10-mi allassimavoq akiligassatigut kinguaattoorutitut 20 mio. kr.-it 2014-imi isumakkeerinnissutigineqarnissaat missingersuutigineqartoq. Aningaasat takku kontomit pingarnermit matuminnga nuunneqarsimanersut paasissutissiissutigineqassasoq ataatsimiititaliamit kissaatigineqarpoq.*

Akissutaasinnaasog:

Isumakkeerinerit konto pingarnermi 24.10.10-mi isertitat nalunaarneqartut arlaannilli pissuteqartumik annaaneqartut taaneqartariaqartut, akiliisinnaajunnaarnermut toqusoqarneranulluunniit atatilluguukkajuttartumik toqqaannartumik annaaneqarnerannut takussutissaapput.

Akilerarutitut A-nut akiliinngitsoorutit akiliisitsiniartarfimmut nuunneqartillugit aningaasat aamma isumakkeerineri ilaassapput. Akiliisitsiniartarfiup akilerarutit akilersippagit taakku konto pingarneq 24.01.15-imut isertitatut nalunaarneqassapput.

Ataatsimiitaliap apeqqutaa

- b. *Akiligassatigut kinguaattoorutit nunap immikkoortuinut agguataarneqarnerat paasissutissiissutigineqassasoq ataatsimiititaliap kissaatigaa aammalu takussutissiaq kommuninut agguataagaq takorusullugu.*

Akissutaasinnaasog:

Akiitsut kommunini sukumiinerusumik agguataarneqarnissaat Naalackersuisunit isumagineqaleruttoq.

Namminersorlutik Oqartussani akiliisitsiniartarneq nunami sumiiffimmi sumiinneq malillugu aaqqissuussaangilaq akiitsullilli akiitsoqarfiusullu aallaavigineqarlutik. taamaamat sumiiffinni/kommunini pissutsinut tunngasut imaaliallaanaq pissarsiarineqarsinnaangillat, tassami tamatumani amerlanerusut tigusiffigineqarnissaat kingornalu suliarineqarnissaat pisariaqarmat.

Akiitsut nunami sumiiffinnut/kommuninut agguataakkat pillugit paasissutissat attuumassutillit akileraarnermut Aqutsisoqarfimmit pissarsiariniarneqaleruttoq. Taamaattumik takussutissat taakku isumasioqatigiinnissamut piareersinnaangillat kingornali Aningaasaqarnermut Ataatsimiititaliamut tunniunneqarumaarlutik.

Ataatsimiitaliap apeqqutaa

- c. Pilersuisoq aqputigalugu akileeriaaseq innuttaasut akiligassatigut kinguaattoorutinut akiliiniarnerannut ajoqutaanersoq paasissutissiissutigineqassasoq ataatsimiititaliamit kissaatigineqarpoq.*

Akissutaasinnaasoq:

Apeqqut Naalakkersuisut paasinngilaat Pilersuisorli aqputigalugu akileeriaaseqarnikkut akiitsullit ataasiakkaat akiitsuminnik akiliisinaanissaat akornuserneqartutut isiginagu.

Ataatsimiitaliap apeqqutaa

- d. Boligstøttemut taarsigassarsiat eqqarsaatigalugit assersuutigalugu toqusooqartillugu, inuit nunanut allanut nuunneranni allatulluunniit pissuteqarlutik akilersuiunnaarneranni taarsigassarsiat sinneruttut qanoq pineqartarnersut paasissutissiissutigineqassasoq ataatsimiititaliamit kissaatigineqarpoq?*

Akissutaasinnaasoq:

Boligstøttemit taarsigassarsiat akilersorneqanngippata akiliisitsiniartarfimmullu nuunneqarsimappata pissarsiasarisat toqusooqartillugu toqusup pigisaanut nalunaarutigineqassapput. Toqusup pigisaasa nalingi aallaavigalugit akiligassat matussuserneqarsinnaanngippata akiitsut isumakkeerneqassapput.

Akiitsulik nunanut avannarlernut nuussimappat akiitsunik akiliisitsiniartarneq pillugu nunanik avannarlernik suleqateqarnissamik isumaqatigiissutit aqputigalugit akiitsut akilersinniarneqassapput. OECD-p ikiorsiisarneq pillugu isumaqatigiissutaa nunani allani oqartussaasut akiliisitsiniarnissamut ikiorsiisinaanannerannik qinnuiginninnissamut periarfissiisoq Nunatta atuutilersippaa, taamatullu nunat allat innuttaasunut Nunatsinni najugaqalersimasunut akiligassaasinnaasunik akiliisitsiniarneranni Nunarput ikiuuttarluni.

Nunanut allanut nuunnermi akiitsut OECD-p isumaqatigiissutaa aqputigalugu immaqalu eqqartuussissuserisoq aqputigalugu akilersinniarneqassapput tamannali aningaasartornarmat eqqartuussissuserisumut aningaasartuutit, akiitsut annertussusaat akiitsullillu akiliisinniaassusia naatsorsorneqartarput "aningaasat asuli atunnginnissaat" pillugu.

Akiitsut isumakkeerneqarneq/immineerneqarneq ajorput akiitsulli nutaanngilisunnginnissaat pillugu akiliinissamut akiitsut nutaanngilivallaartinneqannginnissaat qularnaarneqartarpoq akiitsullillu Nunatsinnu uterpat akileeqqusisinnaaneq atuutiinnassalluni.

Taamaalilluni akiitsulik akiitsuminik qimarratiginnilluni nuinnarsinnaanngilaq ukiualuillu qaangiuppata aallaqqaataaneernarluni uterluni.

Apeqqut 14

Apeqqummut tunuliaqutaasoq:

Apeqqut 6.21-imut Naalakkersuisup akissutaa konto pingarneq 24.10.10-mut tunngasoq.

Naalackersuisumik apersuinermi akineqartussatut Aningaasaqarnermut

Ataatsimiititaliap apeqqutaa:

- a. Pensionisianit iluanaarutitik akileraarusersuineq sulisartunut assigiinngitsunut qanoq annertutigisumik sunniuteqassava?
- b. Piffissap qanoq ilinerani akileraarusersuisoqassava qanorlu akileeqqusisoqassava?

Akissutaasinnaasog:

- a. Pensionisianut iluanaarutit sulisartunut pensionisiaqalertussanut assigiinngitsunut qanoq sunniuteqarnissaat suli misissoqqissaarneqarsimanngilaq. Maanna pensionisisassanut toqqortat iluanaarutinit akileraarutinit akiliutaasussaaneerat akileraarutillu annertussusaasa nunatsinni pensionisisassanut toqqortanut assigiinngitsunut marlunnut taakkununga taakkuinnartussaaneerat aallaavigalugu sulisoqartarpoq. Tamanna suliassaqarfimmi pineqartumi pisariinnerpaamik allaffissornissamik kinguneqassaaq.
- b. Iluanaarutinit akileraarutit ukiumi naatsorsuuteqarfiusumi qaangiuttumi iluanaarutit tunuliaqutaralugit naatsorsorneqartarput. Akileraarutitik akiliinissamat piffissaq pensionisiassanut toqqortat ukiumi pineqartumi iluanaarutitik naatsorsuisinnaanissamat periarfissaqarnissaat eqqarsaatigalugu aalajangersarneqassaaq.